

光緒金華縣志

光緒金華縣志總目

卷首

敘

金華縣各區分圖

凡例

纂修姓氏

卷一

地理志第一

一 子目二

疆域

附 道裡

沿革表

卷二

志地理第一

二 子目一

山川

卷三

志地理第一

三 子目三

水利

湖塘堰井橋渡

形勝

鄉里表

附 市鎮

卷四

志建置第二

一 子目六

城池 衙署 學宮 書院 坊表 宅墓

卷五

志建置第二 二 子目二

寺觀 古蹟

卷六

志人物第三 一 子目一

科目表

學校薦舉任職錄史撰請
仕籍封贈武官武職恩賜

卷七

志人物第三 二 子目一

官師表

定額
附

卷八

志人物第三 三 子目二

理學 卓行

卷九

志人物第三 四 子目五

忠烈 政事 文苑 隱逸 藝術

卷十

志人物第三 五 子目一

列女

卷十一

志人物第三 六 子目二

流寓 方外

卷十二

志食貨第四 子目六

田土

戶口

力役

賦稅

土貢

鹽法

蠲恤

恤政

物產

卷十三

志典禮第五 子目三

壇廟祠 鄉飲酒禮 講約

卷十四

志武備第六

子目二

兵制 兵變

卷十五

志藝文第七

子目二

書籍部四 金石

卷十六

志類要第八

子目五

氣候 昏旦 更點 中星表 五行 遺事 方言 風俗

光緒金華縣志卷十

志人物第三五

列女

史傳列女始范氏後漢書才行合不專一操自後諸史皆仍之縣志雖具史體所采較繁且通貫數代變例釐訂以類相從便循覽也婦德以立節爲重而曰烈曰貞尤堪矜尙是故首烈婦次貞婦烈有未婚而殉貞有守志於室女也予其成爲婦遂所志也次節婦附之以節婦姓氏錄事蹟有不詳不二其操流芳竹素則一也次孝婦孝女次賢婦表至行垂靈範也原附壽婦今仍之

宋胡氏既嫁而夫不良父母欲更其偶不許白於令氏愬曰理無二夫令義而歸之父母怒從夫三日赴蓮花井死王柏爲賦烈井詩

通志

杜氏女年二十擇配未嫁宣和間里有悍賊乘方臘亂而起詣杜門大言曰以女遣我否則族汝矣舉家驚泣失措密諭女女曰無恐捨一女寬一家曷爲不可少須我浴告賊賊喜女浴畢照鏡粉面盛飾登几縻帛於梁而縊母呼不應啓戶視之死矣惶遽號呼賊駭相視捨去

兩浙名賢錄

元謝氏名芾邑人適蘭谿吳履戊戌明師將及境芾謂履曰患將至曷避之履曰我在勿恐是多履出南郭芾中前言且囑早歸越四日兵臨城下芾挈子女避山中行至向塢度不能免謂履曰善護吾兒吾死此矣抱女投崖死履歸決旬得其尸面如生遂葬向嶺宋濂爲立傳

通志卷宋
學士紀

宋氏名鑾濂女弟也幼讀書知大義工書長歸義烏賈明善居恆足不踰閭雖家人莫聞其笑語聲越一年父母不忍其遠去令與夫來居潛溪戊戌冬明師掃蘭谿偕夫避入浦陽城寶山上寇復囑衆氏爲游卒所執抽銀條脫求解不聽將亂之紿曰吾有珠貝瘞山前曷共發之卒許諾行至深淵躍入後謝芾死三十六日

隋一統志
宋學士集

明方氏軍士袁堅妻堅卒殯城北濠上氏貧無依宗人皆欲迫之嫁乃開夫棺寢處其中飢則出飲於濠鄰里憐之遺以茶飯則飲茶而歸其飯居數日死之知府劉瑄封土立石表之爲文祭焉

明史卷
一統志
趙志
大清

石氏名勝邑人適浦江義門鄭洪李文忠鎮嚴陵辟洪參軍事後薦爲內藏庫提點未幾同官有坐法者辭連洪竟死於獄石氏時從官邸吏議當配石氏仰天慟曰

生爲鄭氏婦死爲鄭氏鬼吾忍汚其身以玷旌門乎遂絕粒鄰媼強進粥糜不聽八日不死乃引繩自絕高皇帝聞而嘆曰此真義門婦矣宋濂爲立傳

兩浙名賢錄

戴貞妹諸生戴嘉茂女字王幾華未娶而卒貞妹跪告父母求奔喪既畢葬誓不更嫁久之翁姑欲改配次子悲泣不從及選吉將成婚自刎死知縣龍遇奇祭之題

請建坊

志通

戴氏諸生陳所思妻貞妹女弟也明季避兵售溪山已而兵至全家被執氏出利刃於袖刺喉死軍士義之遂釋其夫與子

志通

陳氏王怵妻年二十從夫避亂南山兵至家人奔散止擱七歲孤姪兵欲汚之氏曰王門宗祀在此一人釋之當甘心相從許之去稍遠赴水死後夫覓得尸衣帶重結繫其夫詩寶於腰以爲記焉

大清一統志

黃氏廩生嚴寅華妻明季避難西溪兵至被執顧謂其夫曰善撫幼子以存宗祀吾從此訣矣卽赴水死越半月始斂面如生

志通

黃氏千戶李汜水妻大兵下金華與子婦潘氏陳氏並被執黃潘觸階死陳自縊

志通

王氏松湖嚴仲春妻方國安敗兵至挾之去氏從馬上躍下投水死

大清一統志

朱氏倪星焜妻兵至夫婦相失懼難獨全乃縊

志

徐氏倪明廷妻夫爲兵所執氏奔救聞夫被戮觸巖石死

志

尹氏胡士言妻孝姑相夫譽素著夫亡自縊

志

俞氏鄭德紹妻明季遇兵不辱觸巖死

志

盧氏何應衡妻爲亂兵所執不辱死

志 爲日妻能爲節婦夫敢不爲義士亦死之

張氏方履澤妻夫嗜博忘家氏持齋修梵苦節十餘年不悛一日持數珠束道裝密

志

縫上下衣投水死崇禎十五年知縣徐調元旌其門曰捨生諫夫

道光志

徐氏吳鴻翔妻崇禎十六年避難九峯墩告姑曰被虜死不如自死爲潔事急卽自

刎

志

吳氏朱愷生妻年十九許都亂爲賊所逼投巖死

志

邵氏黃啓賢妻順治三年攜一子偕婢避亂南山遇土寇脫簪珥求免寇悅其年少

不許女謂婢曰黃氏惟此子汝抱歸善撫之吾從此訣矣寇縱婢去正色曰我名

家女賊奴敢辱我耶脅以刃不懼強之上馬躍而下者再寇繫以繩置馬後女覓

死不得至田畝復出之上馬女乃拔刀自刎寇亦憐之先是道旁有施村老人女
拜曰吾責唐賢妻邵應試女也死於此願老人告吾家收吾尸既死亦銜感次日
老人告其父拾骸以歸葬於黃氏祖塋側

道志

何氏盛氏方氏大學士朱大典妻陳氏大典子萬祚妻姜氏萬仍妻來氏萬仍妻汪
氏萬仍妻陳氏俱入井死章氏大典長子萬化妻萬化奉表入閨七月十五日城
未破時章氏禮服拜大典別家人入室先自縊至是一門無遺種矣而大典女適
石門倪汝學當事亟日登山覘動靜及聞礮聲望見煙焰降天慟哭並拜自縊死

道志

王氏邵思化妻遇兵投光孝觀井死

道志

鄭氏嚴萬齡妻又妾張氏王氏與二女城破俱殉節同時佐朱大典城守者爲李汝

斌有二妾失其姓聞城陷死同殉節

道志

張氏馮文彤妻被兵執逼之不得屈至紫巖廟下龍鳳庵抱石沈水死

道志

倪氏陳治政妻遇兵被繫怒罵不休得間觸石死

道志

翁氏王如春妻避兵南山爲賊執厲聲大呼賊怒刃之者三久之甦陳國珍爲作四

瑞堂序以氏能死一瑞也知縣趙秦姓獎以臨難不苟

趙志

國朝章氏貢生索大機妻大機早卒順治三年大兵壓境氏被執投金錢寺塘死

趙志

金氏王清十一妻順治三年兵集郡城慮被污辱金氏與媳許氏

清十一子王邦任妻

女良妹

同約登樓自焚死時七月十六日也廬陵周漢傑

得學

有傳贊

紹興陽王氏贈

倪氏申用志妻孝翁姑睦娣姒順治三年值土寇起避居山中賊搜得欲犯之不從

引頸受刃死

紹興冊

方氏俞應鸞妻順治三年土匪竄起充斥山谷見氏美挾之上馬氏哭罵復脅以兵

不從遂被害

據訪冊

沈氏申可賢妻夫亡安貧撫子康熙十五年耿逆焚掠至郡執氏以去將辱之氏厲

聲大罵賊怒斫爲三段

大清一統志卷微獻略

方氏朱廷翼妻遭亂爲兵所執奪刃自殺

趙志

葉氏名爾烈義烏諸生尙坦女字張孫瑤未婚孫瑤卒計聞請奔喪父不能止與俱

往盛飾入門拜祖姑及舅於堂詣夫柩前哭奠畢入室少憩移時令小鬟捧一盒

還父母啓之則珠環繡襦弓鞋紒髮也父驚入相持慟哭誓以身殉旋投繯遇救
後謁夫墓奮身觸石暈絕昇歸漸甦乃迎其母以防變值中秋祖姑觴其母爾烈
侍忽破盃衝其喉幾斷遂絕粒死時康熙二十四年八月也年二十合葬於花錦
地郡大夫以下皆往奠士民追送相沿於道學使王揆以千古奇烈表其門明年
巡撫金鑑題旌建坊鐵嶺頭先是氏所居村前後池水變作赤色者數旬死之日
村前溪流忽湧浪沙盡裂咸謂精誠所感

趙志卷一
一統志徵
大清

施氏章起桑妻夫亡守節有誤奪之者服毒死

趙志

仇氏黃家瑞妻夫故服闋適死寡

大府
一統志

汪氏葉廷璵妻康熙五十五年氏年二十七夫亡葬畢起三日服毒死

趙志

諸葛氏方得全妻幼爲童養媳家貧翁病得全備於外氏代子職姑虐使之絕無絲
言得全歿氏年二十四無子屢絕食求死越二十七日哭於夫墓解帶縊於松枝

遇救甦歸家衣服鹵死

道光
志

曹氏傅士成妻夫死無嗣以身殉

道光
志

鮑氏名元官字僉文枝未娶而文枝亡元官請於父偕嫂同行哭奠如禮誓不復返

與祖姑朝夕相依更十載父死會祖姑亦卒元官奉喪葬畢乃歸哭拜父塋與家人聚契闊不數日歸僉託病入室以利薊刺喉聞聲奔救尙能作訣別語旋卒乾隆二十七年建坊

道光志

金氏諸生金玉女玉兼習繪事氏從父學寫像傳神遠出玉上年十七字張兆桓垂合婚兆桓疾作氏請視疾母不許及卒請於父服斬衰往哭以婦禮見舅姑越一年母偶病遇之歸歸則獨處一樓足不下枋者三載有聞其賢來媒玉謝之女聞嘆曰我終不嫁使人謂金家良女已發媒不辱死者辱吾父矣乃引鏡自圖作提壺侍舅姑狀緘送張氏以利薊抉喉死張氏憫其志合葬於鵝毛山乾隆二十年事也

道光志後作楊寶珍存稿

程氏鄭瑞妻乾隆二十五年氏年二十一夫外出有惡少挑以褻語峻拒之夫歸泣訴情不能雪氏忿而自經教授夏蘇記其事

道光志

嚴氏張慶祥妻慶祥初娶傳氏遺子女各一聞氏賢聘爲繼室未行而慶祥病卒氏泣請於父加張氏卽概前戚服明日謁舅姑理家政男讀女績依之如所生既釋服嫁女聘媳促其子爲慶祥卜葬道光辛卯七月葬有日矣遂不食卒年三十

八在張氏五年足未踰閭發引日里中再醮者慚而不敢往觀焉

張作楷書
畢存稿

金氏邢學慰妻學慰祖母卽氏祖姑立嗣守節氏歸邢踰年舉一女道光甲午二月學慰卒氏惘惘如有所失不語亦不哭含殮畢閨戶自經伴媼覺有變遽窗入解其繫迺蘇乘間復自經又爲伴媼所覺得不死父迎歸諱之曰汝不念白頭姑乎曰有夫弟在不念脫腹女乎曰有姑在不念未立後乎曰有宗族在又諱曰汝祀姑爲邢氏立後流芳邑乘汝不聞乎曰殉節易守節難兒勉爲其易者俗以長至節上墓氏詣往其途省姑笑語移時姑命休於房媼曰吾渴甚媼取茶至見婦端坐床上呼之不應進視之則流蘇繞頸氣已絕矣時十一月二十日也

張作楷
書畢存

胡氏竹園莊廩生王琰妻琰於道光戊戌年二月十一日病卒氏哀痛不勝至四月

二十二日絕粒死年二十八歲學政廖鴻荃獎湯溪教諭沈寶麟傳

據王
氏譜

蔣氏倪連順妻道光二十七年五月十九日連順浴於池誤遭淹斃氏聞信號慟越

十有一日起水死蓋卽夫死所也時年二十一

據訪
冊

盛氏俞繼鸞妻年十九歸鸞鸞客死京邸氏聞赴閭戶自經

訪
冊

吳氏俞國清妻國清卒翁以貧故奪志而嫁之妻者臨門氏盛服登樓自經

據訪冊

祝氏歲貢生汪學潮妻辛酉三月學潮死粵寇之難同治壬戌南鄉民團練白衛九

月初七日賊率衆來犯團民潰賊搜括村中氏挈女孫阿宜舉火自焚宜纔八歲

據訪冊

徐氏監生姜書鐘妻辛酉四月二十日書鐘在門前山遇賊被害氏聞訊閉門自刎

死

據訪冊

王氏木工吳廷珍室也居吳家莊咸豐辛酉四月十九日粵賊陷郡城村人皆惶惴謀避氏謂廷珍曰吾恨非男兒然必殺一賊以洩吾憤何避爲明日聞賊將至閭村盡匿氏獨留伏猪欄中懸稻桿自蔽手攜資社鐵銃實以藥俄數賊入氏從暗中舉銃賊聞聲退疑有伏白其酋又明日率數百人復至氏連發數銃聲震屋瓦賊不敢近遁火其室氏冒烈燄衝出賊攢矛刺之遂死

據訪冊

盧氏朱金對妻咸豐十一年五月二十八日氏被賊虜姑隨之行至蓮塘莊泣謂姑

曰姑自保重妾不能終事矣乘間赴水賊救之逾時而甦復投水死

據訪冊

王氏黃濟堂妻咸豐十一年五月初四日賊至塘下村脅濟堂降不屈舉矛刺之氏

見夫遇害赴水以殉媳夏氏亦隨姑赴水死

冊 據訪

陳氏王履祥妻咸豐八年四月廿一賊逼不從破其腹而卒

冊 訪

范雙弟在城芝蔴山人范永久之女咸豐辛酉城陷賊污不從遇難時年一十有七

歲

冊 訪

周氏王秋連妻同治元年十一月廿三爲賊所逼投水自盡

冊 訪

高氏王瑞龍妻同治元年十一月廿四賊逼投水殉難

冊 訪

李氏王金開妻同治元年十二月十五賊害殉難

冊 訪

金氏王學海妻避亂北山清潭遇賊欲污之不從賊怒撻之見血仍不從以矛刺喉

而卒時同治元年十二月十三日也

冊 訪

商氏王作南妻與金氏同日遇賊罵不從賊舉刀斷其舌未死復偏刺其體乃絕女

文英年十三見母慘死痛哭隨之賊度至兩頭門亦遇害

冊 訪

李氏管福孀妻同治元年十二月二十日粵匪之亂夫被賊擄在盤前滴水嚴撞死

冊 訪

王氏何志遠妻避亂洞殿下遇賊度不免計脫墜崖死光緒十四年浙撫衛疏請准

入節孝

節婦

陳氏諸生邵筠室夫故竭力營葬家貧以紡績度日咸豐辛酉聞郡城陷語鄰人曰妾老矣未能遠避有警卽入穴以殉請爲我封墓門墓前餘地酬汝作工資同治癸亥正月賊將至手拆墓門竄身穴中死之時年七十

節婦

嚴氏金瑞堂未婚妻粵匪陷婺瑞堂被虜赴水死氏聞耗親赴水濱哭奠畢入山自縊時年二十

節婦

朱氏湯溪酤坊人自幼讀書識大義字長山莊徐樹棠光緒十八年年二十三歲結褵甫一載夫亡從容向家人曰妾不幸不克終事舅姑矣諸叔尙有四人異日必有爲吾夫立後者就寢遂卒

節婦

右節婦傳

四女附

明李氏字雙溪徐氏子未婚夫亡將改醮其弟氏怒曰叔可妻嫂乎矢不死嫁女善持家父母安之

節婦

張妯張思葵女宣德間字十都施某夫亡誓不再適六十餘歲歿附葬父墓

道光

國朝方氏徐佑未婚妻幼爲養媳姑乳哺之佑八歲殤氏纔四歲事舅姑如事父母